

**Ciau.....mama**

**L'er no una manêra a d'dì  
Ma un'intesa tra mi e tì**

**Eran i prim paròl d'la maténa  
Quâând t'ma svigiaav apéna apéna**

**E i prim paròl dit cun tenerâsa  
Quâând ta m'dav una carâsa**

**Eran i paròl ch'a trovav da dì  
Quâând s'er dré partì**

**E cui dit cun indiférensa  
Quâând pâr mi ti t'er in ansia**

**I paròl dit cun amüür  
Quâând vediv ch'a t'gh'av dulüür**

**E cui ch'a mè nìt in meent  
Quand pâr sempâr tè vulà cul veent**

**E.. ciau... mama t'al dis adèes  
Quâând s'trœvam süta i ciprèes**